



服部文庫
117
2167
4



117 特
2167
4



香山君墓誌銘

君諱永孝香山氏稱榮左衛門紀藩刈谷君允塞次
子文政四年辛巳四月十日生於遠江新居年十二
從考徙於江戶十五為香山堅兵衛所子養香山氏
相摸浦賀與力也堅兵衛君歿君又為與力食四十
石天保十四年癸卯更食八十石嘉永六年癸丑六
月米利堅合衆國遣使來浦賀應接甚苦君奔走周
旋竟得了事秋築明神崎砲臺有勞命以見祿為譜
第蓋異數也明年正月米使復來將迫於江戶政府
復用君說乃相橫濱為應接地以得不迫都下事具

117. 2314

橫濱相止碑。四月，召拜富士見寶藏番，徙居江戸。文
久三年癸亥，為步兵差圖役頭，取勤方。班小十人，初
君謂方今盡吾職，莫如砲技。乃研精兼通舊新法，與
同僚中島永胤協力建議，更革浦賀舊銃隊為新制。
及來江戸，仍以教授，故有此命。四月，將築浪華川口
砲臺，命君監督。君觀其地勢，不可上意見，事遂寢。元
治元年甲子六月，兼步兵組改役，加俸十五口。會常
野賊起，政府遣一軍討之。君在遣中，進至雲雀塚會
戰八度，頗有功。然議不合，褫官而歸。慶應三年丁卯
復起為步兵差圖役頭，取勤方。維新之際，藉靜岡卜

居東京巢鴨，闢茶園養閒。明治十年四月三十日病
歿，年五十七。葬於深井墓地，配岡田氏生三男，長永
隆嗣。永隆舊政府時，與弟實造同班富士見寶藏番
為軍艦組。今見為海軍大尉。次實造，出嗣內藤海翁
家。見為海軍造船所五等師。李芳兩，舊政府時為步
兵差圖役。今為高善回青畫。君為人忠直果毅，通事
務，莫少阻滯，不為苟合。屢敗於讒，然至誠奉公，故蹟
而能起。又長巧思，嘗與同志謀倣洋製造戰艦於浦
寬永以後，大艦之作，以是為嚆矢。云銘曰：解紛導窾
處險履坦，以身許國，立言侃侃。禍福在天，於我何瘳。

明治十三年二月

服元彰撰

原文五百八十一字

改四万二千九百五十五字

改四万二千九百五十五字

删百五十五字

